

مستشرقان

۱۳۲۶

درسهادئده باب عالی جوارئنده
 دائرة مخصوصه
 محل اداره :

اخطار :

مسئلكمزه موافق آثار جديده مع المنونيه
 قبول او انور
 درج ايده بن آثار اعاده او نثار

ديره، فلسفه، علوم، مفروض، ادبيات و سياسيات و باطالاه كرك سياسي و كرك اجتماعي و مدني احوال و مشوره اسلاميه و نه بحث ايدر و هفته ده بر نشر از انور.

صاحب و مؤسسلي :	آبونه بدلي		
ابوالعلا زين العابدين - ح . اشرف اديب	سنه لكي	التى آيلنى	
تاريخ تاسيسى	ممالك عثمانيه ايچون	۳۵	۶۵
۱۰ تموز ۳۲۴	روسيه	۳۰۵	۶۰۵
	سائر ممالك اجنبيه	۹	۱۷
قبرله دن مقوا بورو ايله كوندرييليرسه سنوي			
۲۰ غروش فضله آلنير			

هفته تعطیلی مسأله‌سی

سالنیک‌ده منتشر « روم ایلی » رفیق محترم، جمعه تعطیلندن باحث باش مقاله‌سنده دیورکه :

مملکت‌مزدده اوتهدنبری اسلام تجار و عمله‌شی ایچون بر یوم استراحت یوقدر . فی الحقیقه شریعت‌م کیسه‌سی عدم‌سعیه اجبار ایتمز . هرکس ایسته‌دیکی قدر چالیشر . فقط مدینت حاضره‌نک آلدینی شکل مساعی ، انسان‌نک مطلقاً بر یوم استراحت نائل اولماسنی مجبوری قیلیور . غیر مسلم وطنداشلیمیز بو استراحتدن تامیله مستفید اولورلر . اولرله بر سویه سئیده بولونایلمک ایچون چالیشان اسلام ارباب مساعی ایسه ، بوندن محرومدرلر .

ایشته ، آرتق بلا آرام چالیشمی صحت بدنیه‌لری ایچون مضر کوردن سالنیک اسلام تجار و مستخدمینی هیچ اولمازسه جمعه‌کونی تعطیل مساعی ایتمک ایسته‌دیله ، بونک ایچون یوم تأدیه‌نک تبدیلی لازم کایوردی . حکومتک اتخاذ ایتمدیکی تدبیر مستحسن اوزرینه بو مسأله ، تجار و مستخدمینک آرزوسی دائره‌سنده حل اولونمق اوزره‌در .

مسائل اجتماعیه‌نک مهملرندن معدود هفته تعطیلی مسأله‌سی یواش یواش بزده‌ده صحائف مطبوعاته کچمه‌یه باش‌لادی . اکثریت اهالیسی مسلمان اولان بر دولت اسلامیه‌ده ، « غیر مسلم وطنداشلیک هفته استراحتندن مستفید ایکن ، مسلم قرداشلیک محروم اولمه‌سی البته ، هیچ بر صورتله تجویز اولوناماز . حکومت مرکزیه ولوکه موقه اولسون ایکی تعطیل کونی طانیهرق خطالی بر یوله صاپدی . لکن امیدوارزکه یاقینده بومهم مسأله مرجعنه لزومی درجه‌سنده دوشیلوب ، هیچ اولمازسه ، اساساً بر صورت حله اقتران ایلر .

ینه مصر مسئله‌سی

کچلرده انکلتزه عوام قار سنده مصردن بحث آچیلش ایدی‌ده خارجیه ناظری مستر غره‌ی تقریباً شویله دیمشدی : بزم بوراده بولمق‌نمیز هر نه قدر حقوق بین‌الملل قواعدینه تماماً اویامازسه‌ده حق قراریمز وارددر . بز قواعد دکل ، حقایقه بقارز . مصری هر جهتدن اصلاح ایتمدیکنز کوز اوکنده‌در . هر نقدر علیهمزه آووج آووج تخم فساد ا کیلمکده ایسه‌ده ، بز بونله هیچ اهمیت ویرمیه‌رک ، مصردن چیقیمه‌جغمزی قطعی اعلان ایدیورز و بوندن متولد بوتون مسئولیتی اوزریمزه آیورز .

بو مناسبتله قریمه‌کی « ترجمان » رفیق محترم آتیده‌کی قیسه ، فقط بک آچیق و بک طوغری مطالعه‌نی علاوه ایدیور :

سیاسیات عالنده وعده وفا یوقدر ؛ متوفی غلادستون مصردن چیقاجمز دیوردی ، غره‌ی بونک عکسنی سویلیور . ذاتاً حقوق طویوزره باغلیدر .

ایران و آلمانیا

بومایده منتشر جبل‌المتین غزته‌سی ایران ایله آلمانیا آره‌سنده کی مناسبتانه دائر نشر ایتمدیکی بر مقاله‌سنه بیانات آتیه ایله ختام ویریور :

- ۱ — ایران دولتی بر اسنقراض داخلی ایله اکتفا ایتملی ،
- ۲ — سرایه عائد بتون مجوه‌راتی صاتوب اصلاحات اداره‌یه صرف ایلملی ،
- ۳ — اسنقراض خارجی‌یه مجبوریت حس اولندیکی تقدیرده

استقراضی آلمانیا دن یاهررق ، اولاً موجود اولان بتون دیون اجنبیه‌یی ادا ایتملی و ثانیاً بحر حزر ایله بحر فارس آره‌سنده بیوک بر دمیر یولی انشا ایلملی ،

۴ — هر نه اولورسه اولسون ایرانیلر آلمانیا ایله ائتلاف ایتملی و ممکن ایسه ائتحد مسئله‌سندن واز کچمه‌ملی‌در .

مهم بر لایحه

طهرانده منتشر « ایران نو » غزته‌سی صاحبی نیراحق تبریزی طرفدن یازیلوب ایران مجتهدترینه کوندیرلین مهم بر لایحه‌یی نشر ایدیور ؛ سلاله قاجاریه‌نک ایرانده دوام و بقای مسئله‌یی بحثنده دیورکه !

شو سلاله ایران زمام اموری آله آلدیمی کوندنبری ایران دائماً تدنی ایتمکده‌در . بوتدنی‌نک ، معلوم اولدینی اوزره ، یکانه سببی‌ده سلاله مذکوره‌نک سوء اداره و تعدیاتی‌در . ناصرالدین شاهک اواخر سلطنتنه قدر شو سلاله‌یه منسوب بتون شاهلر مملکتک بالجله وارداتی یالکنز کندی ذوق و صفالینه ، کندی کیف و هوسلرینه صرف ایدرک مملکتک آتیسنی قطعاً دوشمنیورلردی . مظفرالدین شاه زمانه کلنجه بوذات‌ده ایرانی بیله‌رک روسیه‌یه صاندی و بیت‌المالندن بر چوق پاره‌لر آله‌رق اوروپاده فسق و فجوره صرف ایتمدی .

ایشته بوکی خیانت و تعدیاتک نتیجه‌سی اوله‌رق بوکون ایران‌الدین کیدیور . شیمدی ایرانی دشمنلرک صولتندن قورتاره بیله‌جک نه عسکری وار ، نه پاره‌سی ، نه ده سائر محتاج اولدینی شیر . روس وانکلزلرک ایسه نیتلری معلوم‌در : بونلر ، ایرانی تقسیم ایتمکدن باشقه بر شی دوشونمیورلر معاذالله بویله بر حادثه وقوع بولورسه بو حال ایرنک اجانب‌النه دوشن دیکر اسلام مملکتلرینک حاله کلسنی انتاج ایده‌جکدر که اسلامیتک ایرانده محو اوله‌جغه آرتق شبهه ایتملی‌در .

بوکا چاره آرامق وظیفه‌سی جمله‌دن زیاده علمانک عهده‌سنه ترتب ایدیور . لکن مع‌التأسف علمای ایرانیه چاره مسئله‌سنه کلدکده « اسلامیت ایرانی حفظ ایدر » دیمکدن باشقه بر شی دوشونمیورلر . حالبوکه اسلامیت ایرانی دکل ، قوتلی ایران اسلامیتی محافظه‌ایده‌جکدر . فرض ایده‌لم که الآن بتون ایرانیلر سلمان و مقداد کی مقدس وزاهددرلر ؛ عجباً بوقدر سلمان و مقدادلر اسلحه‌سز ، پاره‌سز ، علم‌سز و معلومات‌سز اسلامه و ایرانه نه منفعت تأمین ایده‌بیلیرلر ؟

لایحه صاحبنک عقیده‌سنجه ایران ایچون یکانه چاره خلاص همان سلاله قاجاریه‌یی خلع ایدرک اسلامیتک بدایتنده اولدینی کی بر حکومت عاده‌نک تأسیسندن و بتون افراد ملتک غازی اولسندن عبارت‌در !

هندلیلرک انکلزلر حقنده کی افکاری

هند سوار هیاده : انکلز ! انکلزلر کم اولیورمش ؟ ... اوت ، بو مملکتک حاکم‌لری ! .. لکن نصل اولمش‌ده بزه حاکم اولشلر ؟ اسارت زنجیرلینی بزم بوغزه طاهررق ؛ عادات و عنمنات قدیمه‌سز کوشه منسبته آتهرق . بزنی سلاح قوللاقم ملک‌سندن بوستون محروم بر اهرق بوغاتی استحصال ایتملردر .